

SESIWN 5: HAWL I IECHYD DA – YSGRIFENNU ARAITH SY’N

PERSWADIO

Oedran : 8–11 oed

Amser: 1 awr

Amlinelliad <p>Yn eu rôl fel aelodau o glwb iechyd ysgol yn Sierra Leone, bydd y dysgwyr yn atgyfnerthu eu dysgu drwy wneud araith i berswadio aelodau o’r gymuned i fuddsoddi mewn adeiladu toiledau twll yn y ddaear a phympiau dŵr. Noder y bydd angen i’r dysgwyr gyfeirio at y nodiadau a wnaed ganddynt yn Sesiwn 4 am syniadau allweddol.</p>	
Amcanion dysgu <ul style="list-style-type: none">• Ysgrifennu araith sy’n perswadio, wedi’i strwythuro ac yn seiliedig ar ddysgu blaenorol, gan gynnwys iaith emosiynol a chysyllteiriau.• Rhestru’r ffyrdd y mae cymuned â mynediad cyfyngedig at ddŵr glân a glanweithdra yn ceisio goresgyn yr heriau hyn.	Canlyniadau dysgu <ul style="list-style-type: none">• Yn eu rôl, bydd y dysgwyr yn ysgrifennu araith sy’n perswadio, wedi’i strwythuro, yn cynnwys iaith emosiynol a chysyllteiriau i berswadio aelodau o’u cymuned ddychmygol yn Sierra Leone i fuddsoddi mewn adeiladu toiledau twll yn y ddaear a phympiau dŵr.
Cwestiynau allweddol <ul style="list-style-type: none">• Beth yw pwrpas clybiau iechyd ysgol yn Sierra Leone?• Pwy yw’r gynulleidfa darged ar gyfer eich araith?• Sut fyddwch chi’n strwythuro eich araith?• Ydych chi wedi cynnwys nodweddion sy’n perswadio yn eich araith?	Adnoddau <ul style="list-style-type: none">• <i>Sioe sleidiau Hawliau Plant</i>: sleidiau 17 a 31• <i>Syniadau allweddol</i>• <i>Siart syniadau allweddol</i>• <i>Ysgrifennu araith i berswadio</i>• Nodiadau’r dysgwyr eu hunain o Sesiwn 4
Cysylltiadau â’r cwricwlwm	
Cymru Llafaredd Sgiliau: Gwerthuso eu siarad a’u gweithgareddau drama eu hunain ac eraill, a datblygu dealltwriaeth sut i wella, gan ystyried sut mae siaradwyr yn addasu eu geirfa, tôn, cyflymdra ac arddull i weddu i amrywiol sefyllfaoedd. Ysgrifennu Sgiliau: Defnyddio nodweddion testunau llenyddol ac anllenyddol yn eu hysgrifennu eu hunain, addasu eu harddull i weddu i’r gynulleidfa a’r diben. Defnyddio terminoleg a geirfa addas i ystyried a gwerthuso eu gwaith eu hunain a gwaith eraill.	

Amlinelliad o'r gweithgaredd

Cyflwyniad (5 mun)

Digwyddiad i godi ymwybyddiaeth yn y gymuned

- Dangoswch sleid 31 a gofynnwch i'r dysgwyr geisio cofio beth yw pwrpas clybiau iechyd ysgol yn Sierra Leone. Dylech atgoffa'r dysgwyr fod gwella iechyd yn gymorth i ddiwallu hawl pob plentyn i iechyd da (Erthygl 24 o Gonfensiwn y Cenhedloedd Unedig ar Hawliau'r Plentyn – gweler sleid 17).
- Dylid atgoffa'r dysgwyr eu bod yn dychmygu eu bod yn chwarae rôl aelodau o glwb iechyd ysgol yn Sierra Leone a'u bod wedi cael cais i gymryd rhan mewn digwyddiad i godi ymwybyddiaeth yn y gymuned. Eglurwch y bydd angen iddyn nhw ysgrifennu araith i'w chyflwyno yn y digwyddiad hwn, sy'n anelu at annog aelodau o'r gymuned i fuddsoddi mewn adeiladu toiledau twll yn y ddaear a phympiau dŵr newydd. Gofynnwch pwy fydd cynulleidfa darged areithiau'r dysgwyr (*oedolion a phlant sy'n byw yn yr un pentref â'r siaradwr neu mewn pentrefi cyfagos*).

Gweithgaredd 5.1 (15 mun)

Syniadau allweddol

- Rhowch gopi o'r *Syniadau allweddol* i bob dysgwr. Eglurwch mai ysgogiadau i'w hatgoffa o'r prif bwyntiau i'w cynnwys yn eu haraith yw'r syniadau allweddol hyn.
- Gofynnwch i'r dysgwyr, fesul pâr, dorri allan y cardiau syniadau allweddol a rhoi'r cardiau cyflwyno a chasgliad i un ochr. Yna, gofynnwch i'r dysgwyr roi gweddill y cardiau mewn dau bentwr: un yn cynnwys syniadau allweddol am doiledau twll yn y ddaear, a'r llall am ffynhonnau dŵr a phympiau dŵr.
- Yna, dylai'r dysgwyr drefnu pob pentwr o gardiau yn ddau grŵp pellach, fel y dangosir ar y *Siart syniadau allweddol*. Efallai yr hoffech gyfeirio at y daflen *Nodiadau cefndir i athrawon* i gael yr atebion cywir. Erbyn y diwedd, dylai'r dysgwyr fod â rhestr glir o broblemau neu anfanteision defnyddio'r ffynhonnau a'r toiledau sy'n bodoli eisoes a manteision y toiledau twll yn y ddaear a'r pympiau newydd. Eglurwch i'r dysgwyr fod ganddyn nhw bellach bedair colofn o syniadau allweddol, a fydd yn sail i'w hareithiau.
- Gofynnwch i'r dysgwyr geisio cofio'r hyn a ddysgon nhw am strwythuro dadl i berswadio yn Sesiwn 1 (*datblygu eu dadl drwy gyfres o bwyntiau rhesymegol a dechrau a gorffen â datganiad cryf*). Trafodwch sut y bydd y dysgwyr yn strwythuro'u haraith. Awgrymwch eu bod yn rhifo neu'n trefnu eu cardiau syniadau allweddol mewn trefn resymegol a fydd yn ffurfio strwythur eu haraith i berswadio.
- Gorffennwch drwy ofyn i'r dysgwyr ble ddylai cardiau'r cyflwyniad a'r casgliad gael eu cynnwys. Gofynnwch i'r dysgwyr drafod y syniadau allweddol ar y ddau gerdyn hyn gyda'u partneriaid, gan ddefnyddio'u trafodaethau yn Sesiwn 4.

Gwahaniaethu

Haws: Gall y dysgwyr weithio mewn grwpiau bach i strwythuro'u hareithiau. Arweiniwch eu meddyliau tuag at y strwythur a ddangosir yn *Ysgrifennu araith i berswadio*.

Anoddach: Gofynnwch i'r dysgwyr gyflwyno'u syniadau allweddol eu hunain ar gyfer yr araith yn seiliedig ar yr hyn a ddysgon nhw am heriau ac atebion yn y sesiwn blaenorol.

Gweithgaredd 5.2 (30 mun)

Ysgrifennu araith i berswadio

- Rhowch y gwaith wnaethon nhw yn Sesiwn 4 ar fanteision y toiledau twll yn y ddaear a'r pypiau dŵr newydd i'r dysgwyr. Eglurwch y dylent gynnwys y brawddegau hyn, sy'n cynnwys iaith emosiynol, yn eu haraith. Gofynnwch i'r dysgwyr pam ddylen nhw wneud hyn.
- Anogwch y dysgwyr i ddefnyddio'r 'banc geiriau' a luniwyd ganddynt yn Sesiynau 3 a 4 i gael ysgogiadau ar gyfer iaith perswadio a'r cysyllteiriau i'w cynnwys yn eu haraith.
- Gofynnwch i'r dysgwyr ysgrifennu eu hareithiau gan ddilyn y strwythur a benderfynwyd yng Ngweithgaredd 1.1 ac ymhelaethu ar y syniadau allweddol o'r hyn a ddysgon nhw yn Sesiwn 4.
- Gorffennwch drwy roi copi o *Ysgrifennu araith i berswadio* i bob un o'r dysgwyr. Gofynnwch iddyn nhw ddarllen eu haraith ac asesu eu gwaith eu hunain, gan ystyried i ba raddau maen nhw'n teimlo'u bod wedi cyflawni'r gofynion. Gallai'r dysgwyr amlygu'r dystiolaeth neu wneud nodiadau ar y dystiolaeth ar gyfer pob gofyniad. Efallai y byddai'n well gennych roi'r dewis i'r dysgwyr o asesu gwaith ei gilydd.

Gwahaniaethu

Haws: Defnyddiwch ysgrifennu ar y cyd i lunio'r cyflwyniad ac yna defnyddio syniadau a gynnigir ar gyfer geiriau cyntaf brawddegau i ddechrau'r paragraff cyntaf.

Anoddach: Pwysleiswch yr angen i ddefnyddio amrywiaeth o enghreifftiau o iaith sy'n perswadio a chysyllteiriau o'r 'banc geiriau'. Awgrymwch y gall y dysgwyr hefyd gynnwys dyfeisiau eraill i atgyfnerthu eu dadl, er enghraifft:

- Allwch chi ofyn cwestiwn rhethregol i'ch cynulleidfa?
- Ydych chi wir yn meddwl bod ...?
- Allwch chi bwysleisio pwynt drwy gysylltu tair eitem gyda'i gilydd? *Er enghraifft, "Mae ____, a ____ a ____ i gyd yn hanfodol ar gyfer iechyd da oherwydd ..."*

Sesiwn llawn (10 mun)

- Dewiswch rai o'r dysgwyr i ddarllen eu hareithiau i weddill y dosbarth. Gofynnwch i'r dysgwyr eraill nodi pan fyddan nhw'n clywed iaith sy'n ceisio perswadio. A all y dysgwyr roi rhesymau pam mae'r iaith yn ceisio perswadio?

Syniadau pellach

- Cynhaliwch ddigwyddiad ffug i godi ymwybyddiaeth yn y gymuned yn eich dosbarth, lle mae cyfle i'r dysgwyr ddarllen eu hareithiau fel y gall eraill eu clywed a chynnig sylwadau ar y rhannau arbennig sy'n perswadio, yn eu barn nhw. A all y dysgwyr roi rhesymau pam mae'r iaith yn un sy'n ceisio perswadio?

Telerau defnyddio

Hawlfraint © Oxfam GB

Gallwch ddefnyddio'r ffotograffau hyn a'r wybodaeth gysylltiedig at ddibenion addysgol yn eich sefydliad addysgol. Bob tro y byddwch yn eu defnyddio, rhaid i roi credyd i'r ffotograffydd a enwir ar gyfer y ddelwedd honno ac i Oxfam. Nid oes caniatâd i ddefnyddio'r delweddau a'r wybodaeth gysylltiedig at ddibenion masnachol neu'r tu allan i'ch sefydliad addysgol. Mae'r holl wybodaeth sy'n gysylltiedig â'r delweddau hyn yn ymwneud â'r dyddiad a'r amser y cynhaliwyd y gwaith project.

Nodiadau cefndir i athrawon

Dyma gynllun posib ar gyfer araith sy'n ceisio perswadio:

Cyflwyniad: Pam mae iechyd da yn bwysig?

- *Er enghraifft: Mae iechyd da yn golygu y gallwch weithio, dysgu a chwarae heb gael eich cyfyngu gan broblemau iechyd.*

Toiledau

Problemau ar hyn o bryd:

- Yn rhy agos at ffynonellau dŵr a chartrefi, felly mae'r dŵr yn cael ei lygru
- Mae gwastraff dynol a gwastraff anifeiliaid yn mynd i mewn i'r ffynonellau dŵr, felly mae'r dŵr yn cael ei lygru

Toiledau twll yn y ddaear newydd

Manteision:

- Y pellter cywir oddi wrth y ffynhonnell ddŵr a chartrefi i osgoi llygredd
- Yn cael eu hailgloddio bob chwe mis i osgoi gorlenwi

Ffynhonnau dŵr

Problemau ar hyn o bryd:

- Yn agored i gael eu heintio gan anifeiliaid, felly mae'r dŵr yn cael ei lygru
- Ddim yn ddigon dwfn ac yn cael eu gordefnyddio, felly maen nhw'n sychu
- Dyw'r dŵr ddim yn lân, felly nid yw'n ddiogel i'w yfed

Pympiau dŵr newydd

Manteision:

- Mae concrit yn selio'r ardal o gwmpas y pwmp fel nad yw'n cael ei heintio
- Mae'r pypiau'n cael dŵr yn is i lawr, felly maen nhw'n llai tebygol o sychu neu gael eu heintio
- Mae'r ffi cynnal a chadw yn sicrhau bod yr offer yn cael ei drwsio a'r dŵr yn cael ei brofi bob ychydig wythnosau i wneud yn siŵr ei fod yn ddiogel i'w yfed

Casgliad: Pam mae rhoi blaenoriaeth i iechyd da yn fuddsoddiad call i deulu?

- *Er enghraifft: Gyda llai o salwch yn y teulu, bydd llai o foddion i'w prynu, bydd y plant yn gallu mynd i'r ysgol a bydd y teulu'n ddigon iach i weithio.*

Syniadau allweddol

Cyflwyniad: Pam mae iechyd da yn bwysig?	Casgliad: Pam mae rhoi blaenoriaeth i iechyd da yn fuddsoddiad call i deulu?
<div data-bbox="217 461 756 546" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="256 562 767 669" style="text-align: center;">Yn agored i gael eu heintio gan anifeiliaid, felly mae'r dŵr yn cael ei lygru</p>	<div data-bbox="837 479 1374 539" style="border: 1px solid black; padding: 5px; text-align: center;"> TOILEDAU TWLL YN Y DDAEAR </div> <p data-bbox="861 562 1398 669" style="text-align: center;">Y pellter cywir oddi wrth y ffynhonnell ddŵr a chartrefi i osgoi llygredd</p>
<div data-bbox="240 703 780 788" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="240 804 780 911" style="text-align: center;">Ddim yn ddigon dwfn ac yn cael eu gorddefnyddio, felly maen nhw'n sychu</p>	<div data-bbox="837 721 1374 781" style="border: 1px solid black; padding: 5px; text-align: center;"> TOILEDAU TWLL YN Y DDAEAR </div> <p data-bbox="861 804 1398 949" style="text-align: center;">Mae gwastraff dynol a gwastraff anifeiliaid yn mynd i mewn i'r ffynonellau dŵr, felly mae'r dŵr yn cael ei lygru</p>
<div data-bbox="240 1012 780 1097" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="248 1113 772 1220" style="text-align: center;">Mae concrit yn selio'r ardal o gwmpas y pwmp fel nad yw'n cael ei heintio</p>	<div data-bbox="837 1025 1374 1086" style="border: 1px solid black; padding: 5px; text-align: center;"> TOILEDAU TWLL YN Y DDAEAR </div> <p data-bbox="877 1113 1382 1196" style="text-align: center;">Yn cael eu hailgloddio bob chwe mis i osgoi gorlenwi</p>
<div data-bbox="240 1256 780 1341" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="268 1357 753 1429" style="text-align: center;">Dyw'r dŵr ddim yn lân, felly nid yw'n ddiogel i'w yfed</p>	<div data-bbox="837 1270 1374 1330" style="border: 1px solid black; padding: 5px; text-align: center;"> TOILEDAU TWLL YN Y DDAEAR </div> <p data-bbox="865 1352 1394 1460" style="text-align: center;">Yn rhy agos at ffynonellau dŵr a chartrefi, felly mae'r dŵr yn cael ei lygru</p>
<div data-bbox="228 1500 767 1599" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="248 1666 772 1774" style="text-align: center;">Mae'r pypiau'n cael dŵr yn is i lawr, felly maen nhw'n llai tebygol o sychu neu gael eu heintio</p>	<div data-bbox="837 1518 1374 1626" style="border: 1px solid black; padding: 5px; text-align: center;"> FFYNHONNAU A PHYMPIAU DŴR </div> <p data-bbox="871 1666 1390 1830" style="text-align: center;">Mae'r ffi cynnal a chadw yn sicrhau bod yr offer yn cael ei drwsio a'r dŵr yn cael ei brofi bob ychydig wythnosau i wneud yn siŵr ei fod yn ddiogel i'w yfed</p>

Siart syniadau allweddol



Problemau'r ffynhonnau dŵr presennol	Manteision pypiau dŵr newydd
Problemau'r toiledau presennol	Manteision y toiledau twll yn y ddaear newydd

Ysgrifennu araith i berswadio

Darllenwch eich gwaith yn ofalus. Ydych chi wedi cynnwys yr holl nodweddion hyn yn eich araith?

NODWEDD	HUNANASESIAD
Lefel Testun <ul style="list-style-type: none"> • Ydw i wedi dechrau fy araith gyda chyflwyniad? 	
<ul style="list-style-type: none"> • Ydw i wedi rhannu fy ysgrifennu yn baragraffau, ag un 'syniad allweddol' clir i bob paragraff? 	
<ul style="list-style-type: none"> • Ydw i wedi datblygu'r 'syniad allweddol' drwy ddefnyddio fy ngwybodaeth a'm meddyliau fy hun? 	
<ul style="list-style-type: none"> • Ydw i wedi gorffen fy araith gyda chasgliad? 	
Lefel Brawddeg <ul style="list-style-type: none"> • Ydw i wedi defnyddio gwahanol gysyllteiriau i gysylltu fy syniadau? Er enghraifft: <ul style="list-style-type: none"> ○ Cysyllteiriau i roi rhesymau ○ Cysyllteiriau i ychwanegu neu drefnu syniadau ○ Cysyllteiriau i gyflwyno safbwyntiau gwahanol 	
<ul style="list-style-type: none"> • Ydw i wedi defnyddio dyfeisiau sy'n perswadio? Er enghraifft: <ul style="list-style-type: none"> ○ Cwestiwn rhethregol ○ Cadwyn o dri phwynt wedi'u cysylltu â'i gilydd er mwyn pwyslais 	
Lefel Gair <ul style="list-style-type: none"> • Ydw i wedi cynnwys iaith perswadio? Er enghraifft: <ul style="list-style-type: none"> ○ Rydyn ni i gyd yn gytûn yn ein cred fod ... ○ Rydyn ni'n credu'n gryf fod ... ○ Rydyn ni'n credu'n bendant fod ... 	
<ul style="list-style-type: none"> • Ydw i wedi cynnwys iaith emosiynol? Er enghraifft: <ul style="list-style-type: none"> ○ Bendigedig ○ Cyffrous ○ Gwych ○ Ardderchog ○ Godidog ○ Unigryw ○ Gwefreiddiol 	
<ul style="list-style-type: none"> • Ydw i wedi defnyddio'r gramadeg, y sillafu a'r atalnodi cywir? 	